

—\*— DIE XXIV. JUNII. —\*—  
**In Natiuitate S. Joannis Baptistae.**  
 —\*— Duplex j. classis. —\*—

IN I. VESPERIS.

**Antiphonæ.**

**A**pse præibit ante illum in spiritu et virtute Eliae parare Domino plebem perfectam.

**Psalmi ut in j. Vesperis de Communi Apostolorum. [2]**

2. Joannes est nomen ejus : vinum et siceram non bibet, et multi in natiuitate ejus gaudébunt.

3. Ex útero senectútis et stérili Joannes natus est præcúrsor Dómini.

4. Iste puer magnus coram Dómino : nam et manus ejus cum ipso est.

5. Nazaræus vocábitur puer iste : vinum et siceram non bibet, et omne immúndum non manducábit ex útero matris suæ.

**Capitulum. Isaiaë xlix.**

**A**udíte insulæ, et aténdite pópuli de longe : Dóminus ab útero vocávit me, de ventre matris meæ recordátus est nóminis mei.

**Hymnus.**

**U**T queant laxis resonare fibris  
 Mira gestórum fámuli tuórum,  
 Solve pollúti lábii réatum

Sancte Joánes.

Núntius celso véniens Olympo

Te patri magnum fore nascitúrum,

Nomen, et vitæ sériem geréndæ

Ordine promit.

Ille promissi dúbius supérni

Péridit promptæ módu-los loquélæ :

Sed reformásti génius peréptæ

Organa vocis.

Ventris obstrúso récubans cubíli

Sénseras Regem thálamó manéntem :

Hinc parens nati méritis utérque

Abdita pandit.

Sit decus Patri, genitæ-que Proli,

Et tibi compar utriúsque virtus

Spiritus semper, Deus  
unus, omni  
Témporis ævo.

Amen.

℣. Fuit homo missus a  
Deo. ℞. Cui nomen erat  
Joáñnes.

**Ad Magnif. Aña.** Ingréssó  
Zacharia \* templum Dó-  
mini, apparuit ei Gábriel  
Angelus, stans a dextris  
altáris incénsi.

**Oratio.**

**D**eus, qui præséntem  
diem honorábilem  
nobis in beáti Joáñnis Na-  
tivitáte fecísti : da pópu-  
lis tuis spirituálium grá-  
tiam gaudiórum, et óm-  
nium fidélium mentes dí-  
rige in viam salutis ætér-  
næ. Per Dóminum.

AD MATUTINUM.

**Invitat.** Regem Præcur-  
sóris Dóminum, \* Veníte  
adorémus. **Ps.** Veníte. 2.

**Hymnus.**

**A**ntra desérti téneris  
sub annis  
Cívium turmas fúgiens,  
petísti,  
Ne levi posses maculáre  
vitam

Crimine linguæ.

Præbuit durum tégumen  
camélus  
Artubussacris, stróphiúm  
bidéntes,

Cuilatexhaustum, sociáta  
pastum  
Mella locústis.

Céteri tantum cecinére  
Vatum

Corde præsågo jubar af-  
futúrum :

Tu quidem mundi scelus  
auferéntem  
Índice prodís.

Non fuit vasti spátium per  
orbis

Sánctior quisquam géni-  
tus Joáñne,

Qui nefas sæcli méruiť la-  
vántem

Tíngere lymphis.

Sit decus Patri, genitæque  
Proli,

Et tibi compar utriúsque  
virtus

Spiritus semper, Deus  
unus, omni

Témporis ævo.

Amen.

**In I. Nocturno.**

**Aña.** Priúsquam te for-  
márem \* in útero, novi  
te : et ántequam progre-  
deréris, sanctificávi te.

**Psalmi trium Noct. de  
Comm. Conf. [99] excepto  
ultimo iij. Noct. infra.**

**Aña.** Ad ómnia \* quæ  
mittam te, dicit Dóminus,  
ibis : ne tímeas, et quæ  
mandávero tibi, loquerís  
ad eos.

**Aña.** Ne tímeas \* a fácie  
eórum, quia ego tecum  
sum, dicit Dóminus.

℣. Fuit homo missus a  
Deo. ℞. Cui nomen erat  
Joáñnes.

Incipit Jeremías Prophéta.

**Lectio j. Cap. j.**



Erba Jeremíæ filii  
Helcíæ, de sacer-  
dótibus, qui fué-  
runt in Anathoth, in terra  
Bénjamin. Quod factum  
est verbum Dómini ad  
eum in diébus Josíæ filii  
Amon regis Juda, in ter-  
tiodécimo anno regni ejus.  
Et factum est in diébus  
Jóakim filii Josíæ regis  
Juda, usque ad consum-  
mationem undécimi anni  
Sedecíæ filii Josíæ regis  
Juda, usque ad transmi-  
grationem Jerúsalem, in  
mense quinto. Et factum  
est verbum Dómini ad  
me, dicens : Priúsquam te  
formárem in útero, novi  
te : et ántequam exíres  
de vulva, sanctificávi te,  
et Prophétam in Génti-  
bus dedi te.

℞. Fuit homo missus a  
Deo, cui nomen erat Joán-  
nes : \* Hic venit in testi-  
mónium, ut testimónium  
perhibéret de lúmine, et  
paráret Dómino plebem  
perféctam. ℣. Erat Joán-

nes in desérto prædicans  
baptísmum pœniténtiæ.  
— Hic venit.

**Lectio ij.**

**E**T dixi, A a a, Dómine  
Deus : ecce nescio  
loqui, quia puer ego sum.  
Et dixit Dóminus ad me :  
Noli dicere : Puer sum :  
quóniam ad ómnia, quæ  
mittam te, ibis : et univér-  
sa, quæcúmque mandá-  
vero tibi, loquerís. Ne tí-  
meas a fácie eórum : quia  
tecum ego sum, ut éruam  
te, dicit Dóminus. Et misit  
Dóminus manum suam, et  
tétigit os meum : et dixit  
Dóminus ad me : Ecce  
dedi verba mea in ore tuo :  
ecce constítui te hódie su-  
per Gentes, et super regna,  
ut evéllas, et déstruas, et  
dispérdas, et díssipes, et  
ædífices, et plantes.

℞. Elisabeth Zachariæ  
magnum virum génuit,  
Joáñnem Baptistam præ-  
cursórem Dómini : \* Qui  
viam Dómino præparávit  
in erémo. ℣. Fuit homo  
missus a Deo, cui nomen  
erat Joáñnes. — Qui.

**Lectio iij.**

**T**U ergo accíngelum-  
bos tuos, et surge,  
et lóquere ad eos ómnia  
quæ ego præcipi tibi. Ne  
formídes a fácie eórum :

nec enim timere te faciam vultu meorum. Ego quippe dedi te hodie in civitatem munitam, et in columnam ferream, et in murum æreum, super omnem terram, regibus Juda, principibus ejus, et sacerdotibus, et populo terræ. Et bellabunt adversum te, et non prævalebunt: quia ego tecum sum, ait Dominus, ut liberem te.

**R.** Priusquam te formarem in útero, novi te: et antequam exires de ventre, sanctificavi te: \* Et Prophétam in Géntibus dedi te. **V.** Vir dilectus a Deo, et hominibus honoratus est. — Et. **Gloria Patri.** Et.

In II. Nocturno.

**Añã.** Misit Dominus \* manum suam, et tetigit os meum, et Prophétam in Géntibus dedit me Dominus.

**Añã.** Ecce dedi \* verba mea in ore tuo: ecce constitui te super Gentes et regna.

**Añã.** Dominus ab útero \* vocavit me, de ventre matris meæ recordatus est nominis mei.

**V.** Inter natos mulierum non surrexit major.

**R.** Joanne Baptista.

Sermo sancti Augustini Episcopi.

**Serm. xx. de Sanctis.**

**Lectio iii.**

**O**stillum sacrosantum Domini natalis diem nullius hominum nativitatem legimus celebrari, nisi solius beati Joannis Baptistæ. In aliis sanctis et electis Dei novimus illum diem coli, quo illos, post consummationem laborum, et devictum triumphatumque mundum, in perpétuas æternitates præsens hæc vita parturit. In aliis consummata ultimi diei mèrita celebrantur, in hoc etiam prima dies, et ipsa etiam hominis initia consecrantur: pro hac absque dubio causa, quia per hunc Dominus adventum suum, ne subito homines insperatum non agnoscerent, voluit esse testatum.

Joannes autem figura fuit veteris Testamenti, et in se formam prætulit legis: et ideo Joannes prænuntiavit Salvatorem, sicut lex gratiam præcucurrit.

**R.** Descendit Angelus Domini ad Zachariam, dicens: Accipe puerum in senectute tua: \* Et habebit nomen Joannes Bapti-

sta. **V.** Iste puer magnus exoritur a Domino: nam et manus ejus cum ipso est. — Et habebit.

**Lectio v.**

**Q**uod autem nondum natus, de secreto matris uteri prophetavit, et expers lucis jam testis est veritatis: hoc est intelligendum, quod latens sub velamine et carne litteræ, et Redemptorem mundo spiritu prædicavit, et nobis Dominum nostrum de quodam legis útero proclamavit. Ergo quia Judæi erraverunt a ventre, id est a lege, quæ a Christo grávida erat, erraverunt a ventre, locuti sunt falsa: ideo hic venit in testimonium, ut testimonium perhiberet de lumine.

**R.** Hic est præcursor dilectus, et lucerna lucens ante Dominum: \* Ipse est enim Joannes, qui viam Domino præparavit in eremo; sed et Agnum Dei demonstravit, et illuminavit mentes hominum. **V.** Ipse præiit ante illum in spiritu et virtute Eliæ. — Ipse.

**Lectio vi.**

**Q**uod autem Joannes in carcere constitutus ad Christum discipulos

suos ordinat; lex ad Evangelium transmittit. Quæ lex juxta typum Joannis, quasi ignorantie clausa carcere, in obscuro et in occulto jacébat, et Judæica cæcitate sensus intra litteram tenebatur inclusus. De hoc beatus Evangelista prolóquitur: Ille erat lucerna ardens, id est, Spiritus sancti igne succensus, ut mundo ignorantie nocte possesso, lumen salutis ostenderet, et quasi inter densissimas delictorum tenebras, splendidissimum justitiæ solem lucis suæ rádio demonstraret, et de seipso dicens: Ego vox clamantis in deserto.

**R.** Innuébant patri ejus, quem vellet vocari eum: et postulans pugillarem, scripsit, dicens: \* Joannes est nomen ejus. **V.** Apertum est os Zachariæ, et prophetavit, dicens. — Joannes. **Gloria Patri.** Joannes.

In III. Nocturno.

**Añã.** Pósuit os meum \* Dominus quasi gládium acutum: sub umbra manus suæ protexit me.

**Añã.** Formans me \* ex útero servum sibi Dominus, dicit: Dedi te in lucem

Géntium, ut sis salus mea usque ad extrémum terræ.

**Añã.** Reges vidébunt, \* et consúrgent príncipes, et adorábunt Dóminum Deum tuum, qui elégit te.

**Psalmus cxxij.**

**B**enedicam Dóminum in omni témpore : \* semper laus ejus in ore meo.

In Dómino laudábitur ánima mea : \* áudiant mansuéti, et læténtur.

Magnificáte Dóminum mecum : \* et exaltémus nomen ejus in idípsum.

Exquisívi Dóminum, et exaudivit me : \* et ex ómnibus tribulatióibus meis erípuit me.

Accédite ad eum, et illuminámini : \* et fácies vestræ non confundéntur.

Iste pauper clamávit, et Dóminus exaudivit eum : \* et de ómnibus tribulatióibus ejus salvávit eum.

Immíttet Angelus Dómini in circúitu timéntium eum : \* et erípiet eos.

Gustáte, et vidéte quóniam suávis est Dóminus : \* beátus vir, qui sperat in eo.

Timéte Dóminum omnes sancti ejus : \* quóniam non est inópia timéntibus eum.

Dívites eguérunt et esuriérunt : \* inquiréntes autem Dóminum non minuéntur omni bono.

Veníte filii, audite me : \* timórem Dómini docébo vos.

Quis est homo qui vult vitam : \* díligit dies vidére bonos?

Próhibe linguam tuam a malo : \* et lábia tua ne loquántur dolum.

Díverte a malo, et fac bonum : \* inquire pacem, et perséquare eam.

Oculi Dómini super justos : \* et aures ejus in preces eórum.

Vultus autem Dómini super faciéntes mala : \* ut perdat de terra memóriam eórum.

Clamavérunt justí, et Dóminus exaudivit eos : \* et ex ómnibus tribulatióibus eórum liberávit eos.

Juxta est Dóminus iis, qui tribuláto sunt corde : \* et húmiles spíritus salvábit.

Multæ tribulatióes justórum : \* et de ómnibus his liberábit eos Dóminus.

Custódit Dóminus ómnia ossa eórum : \* unum ex his non conterétur.

Mors peccatórum pessima : \* et qui odérunt justum delínquent.

Rédimet Dóminus ánimas servórum suórum : \* et non delínquent omnes qui sperant in eo.

**Añã.** Reges vidébunt, et consúrgent príncipes, et adorábunt Dóminum Deum tuum, qui elégit te.

**V.** Elisabeth Zachariæ magnum virum genuit.

**R.** Joánnem Baptistam præcursórem Dómini.

Lectio sancti Evangelii secúndum Lucam.

**Lectio vij. Cap. j. f.**

**E**lisabeth implétum est tempus pariénda, et péperit filium. Et audiérunt vicíni, et cognáti ejus quia magnificávit Dóminus misericórdiam suam cum illa, et congratulabántur ei. Et reliqua.

Homília sancti Ambrósii Episcopi.

**Lib. 2. Comment. in Lucæ cap. j. ante finem.**

**E**perit filium Elisabeth, et congratulabántur vicíni. Habet sanctorum editio lætítiam plurimórum, quia commúne est bonum. Justítia enim commúnis est virtus : et ideo in ortu justí futúre vitæ insigne præmittitur, et grátia secutúre virtútis exultatióne vicinórum præfigu-

rante signátur. Pulchre autem tempus, quo fuit in útero Prophéta, describitur, ne Mariæ præsentia taceátur : sed tempus silétur infántiæ, eo quia infántiæ impediméta nescívit. Et ideo in Evangelio nihil super eo légimus, nisi ortum ejus, et oráculum, exultatióem in útero, vocem in desérto.

**R.** Præcúrsor Dómini venit, de quo ipse testátur : \* Nullus major inter natos mulierum Joánnem Baptísta. **V.** Hic est enim Prophéta, et plus quam Prophéta, de quo Salvátor ait. — Nullus.

**Lectio viij.**

**N**eque enim ullam infántiæ sensit ætátem, qui supra natúram, supra ætátem in útero pósitus matris, a mensúra cœpit ætátis plenitúdinis Christi. Mire sanctus Evangelista præmitténdum putávit, quod plúrimi infántem patris nómine Zachariám appellándum putáverint : ut advértas displicuisse degéneris, sed id sancto infúsum Spíritu, quod ab Angelo ante Zachariæ fúerat prænuntiátum. Et quidem ille mutus

intimare vocabulum filii nequivit uxori : sed per prophetiam Elisabeth dicit, quod non didicerat a marito.

**R.** Gabriel Angelus apparuit Zachariae, dicens : Nascetur tibi filius, nomen ejus Joannes vocabitur : \* Et multi in nativitate ejus gaudebunt. **V.** Erit enim magnus coram Domino, vinum et siceram non bibet. — Et multi. **Gloria Patri. Et multi.**

**Lectio ij.**

**J**oannes est, inquit, nomen ejus : hoc est, non nos ei nomen imponimus, qui jam a Deo nomen accepit. Habet vocabulum suum, quod agnovimus, non quod elegimus. Habent hoc merita sanctorum, ut a Deo nomen accipiant. Sic Jacob Israel dicitur, quia Deum vidit. Sic Dominus noster Jesus nominatus est antequam natus, cui non Angelus, sed Pater nomen imposuit. Vides, Angelos, quae audierint, non quae usurpaverint, nuntiare. Nec mireris, si nomen mulier, quod non audivit, asservit; quando Spiritus ei sanctus, qui Angelo mandaverat, revelavit. **Te Deum. 18.**

**AD LAUDES,  
et per Horas, Añæ.**

**1.** Elisabeth Zachariae \* magnum virum genuit, Joannem Baptistam praecursorem Domini.

**2.** Innuabant patri ejus, quem vellet vocari eum : et scripsit, dicens : Joannes est nomen ejus.

**3.** Joannes vocabitur \* nomen ejus : et in nativitate ejus multi gaudebunt.

**4.** Inter natos mulierum \* non surrexit major Joanne Baptista.

**5.** Tu puer, \* Propheta Altissimi vocaberis : praebis ante Dominum parare vias ejus.

**Capitulum. Isaiae xlix.**

**A**udite insulae, et attendite populi de longe : Dominus ab utero vocavit me, de ventre matris meae recordatus est nominis mei.

**Hymnus.**

**O** nimis felix, meritique celsi, Nesciens labem nivei pudoris,

Præpotens Martyr, nemonumque cultor, Máxime Vatum.

Serta ter denis alios coronant

Aucta cremētis, duplicata quosdam;

Trina te fructu cumulata centum

Nexibus ornant.

**N**unc potens nostri meritatis optimis

Pectoris duros lapides revelle

Asperum planans iter, et reflexos

Dirige calles.

**U**t pius mundi Sator, et Redemptor

Mentibus culpae sine labe puris

Rite dignetur veniens beatos

Ponere gressus.

**L**audibus cives celebrent superni

Te Deus simplex, pariterque Trine,

Supplices et nos veniam precamur :

Parceredemptis. Amen.

**V.** Iste puer magnus coram Domino. **R.** Nam et manus ejus cum ipso est.

**Ad Bened. Añæ.** Apertum est \* os Zachariae, et prophetavit, dicens : Benedictus Deus Israel.

**Oratio.**

**D**eus, qui praesentem diem honorabilem nobis in beati Joannis nativitate fecisti : da populis tuis spiritualium gratiam gaudiorum; et omnium fidelium mentes dirige in

viam salutis aeternae. Per Dominum.

**AD TERTIAM.**

**Capit. ut ad Laudes.**

**R. br.** Fuit homo, \* Missus a Deo. Fuit. **V.** Cui nomen erat Joannes. Missus. **Gloria Patri. Fuit.**

**V.** Inter natos mulierum non surrexit major.

**R.** Joanne Baptista.

**AD SEXTAM.**

**Capitulum. Isaiae xlix.**

**E**t nunc haec dicit Dominus, formans me ex utero servum sibi : Dedit te in lucem Gentium, ut sis salus mea usque ad extremum terrae.

**R. br.** Inter natos mulierum, \* Non surrexit major. Inter. **V.** Joanne Baptista. Non. **Gloria Patri. Inter.**

**V.** Elisabeth Zachariae magnum virum genuit. **R.** Joannem Baptistam praecursorem Domini.

**AD NONAM.**

**Capitulum. Isaiae xlix. b**

**R**eges videbunt, et consurgent principes, et adorabunt Dominum Deum tuum, et sanctum Israel, qui elegit te.

**R. br.** Elisabeth Zachariae, \* Magnum virum genuit. Elisabeth. **V.** Joannem Baptistam praecursorem

rem Dómini. Magnum virum. Glória. Elísabeth.

℟. Iste puer magnus coram Dómino. ℞. Nam et manus ejus cum ipso est.

IN II. VESPERIS.

Añæ ut ad Laudes. 508.

Psalmi ut in j. Vesp. de Communi Apostol. [1]

Capitulum et Hymnus ut in j. Vesperis. 501.

℟. Iste puer magnus coram Dómino. ℞. Nam et manus ejus cum ipso est.

Ad Magnif. Aña. Puer \* qui natus est nobis, plus quam Prophéta est : hic est enim, de quo Salvátor ait : Inter natos mulierum non surréxit major Joánne Baptista.

Commem. sequentis.

DIE XXV. JUNII.

S. Gulielmi

Abbatis. Duplex.

Omnia de Comm. Conf. non Pont. [97] præter seq.

Aña. Similábo eum viro sapiénti, qui ædificávit domum suam supra petram.

℟. Amávit eum.

Oratio.

**D**Eus, qui infirmitáti nostræ ad teréndam salutis viam in Sanctis tuis exemplum, et præsidium collocásti : da nobis, ita beáti Gulielmi Abbatis

méríta venerári, ut ejusdem excipiámus suffrágia, et vestigia prosequámur. Per Dóminum.

In j. Nocturno, Lectiones de Scriptura occurrente.

In II. Nocturno.

Lectio iv.



Uliélmus nobilibus paréntibus Vercéllis in Insúbria natus, vix quartum decimum ætátis annum expleverat, cum miro quodam pietátis ardóre flagrans, Compostellánam peregrinatióem ad celebríssimum sancti Jacóbi templum aggressus est. Quod iter una amíctus túnica, ac dúplici férreo círculo præcinctus, nudisque pédibus prosecútus, aspérima frígoris et æstus, famis et sitis summo cum vitæ discrimine perpessus est incómmoda. Reversus in Itáliam, novam ad sanctum Dómini sepúlcrum peregrinatióem molitur : sed quo minus propósitum exsequatur, vária atque gravíssima intercédunt impediménta, divíno númine ad altióra, et sanctióra religiósam júvenis indolem retrahénte. Porro in solículo monte biénnum inter assíduas

preces, vigílias, chameunias, et jejúnia commorátus, divína subnixus ope, cæco lumen restituit; cujus miráculi fama percrescénte, jam Gulielmus latére non póterat : quare íterum Hierosólymam cógitat, et álacris se itineri committit.

℞. Honéstum fecit illum Dóminus, et custodívit eum ab inimicis, et a seductóribus tutávit illum : \* Et dedit illi claritátem ætérnam. ℟. Justum dedúxit Dóminus per vias rectas, et osténdit illi regnum Dei. — Et dedit.

Lectio v.

**D**EI autem mónitu, qui eidem apparuit, a propósito revocátur, utilior ac fructuósior tam apud Italos, quam apud éxteras nátiónes futurus. Tum monastérium in Virgiliáni montis cacúmíne, quod deinde Virgínis est appellátum, loco áspero et inaccessó miránda exædificat celeritáte. Sócios deinde viros, et religiósos asciscit, eosque ad vivéndi normam evangélicis præcéptis et consíliis sum mópere accommodátam, tum certis légibus ex beáti Benedícti institútis ma-

gna ex parte desúmptis, tum verbo et sanctíssimæ vitæ exemplis infórmát.

℞. Amávit eum Dóminus, et ornávit eum : stolam glóriæ induit eum, \* Et ad portas paradisi coronávit eum. ℟. Induit eum Dóminus lorícám fidei, et ornávit eum. — Et.

Lectio vi.

**A**LIIIS deinde monastériis eréctis, clárior in dies Gulielmi facta sanctitas multos ad eum úndique viros perducit, sanctitátis odóre, et miraculórum fama alléctos. Nam muti loquélam, surdi auditum, áridi vigórem, varióque et immedicábili morbo laborántes, sanitátem ipsius intercessióne receperunt. Aquam in vinum convértit, áliaque complúra mirábilia patravit : inter quæ illud non siléndum, quod, muliércula ad ejus castitátem tentándam missa, in ardentibus prunis humistratis illæsum se volutávit. De qua re cértior factus Rogérius Neápolis rex, in summam viri Dei veneratióem addúctur. Demum témpore sui óbitus regi, aliisque prænuntiáto, in número virtútibus et mi-

râculis clarus obdormivit in Dómino, anno salutis millésimo centésimo quadragésimo secúndo.

℟. Iste homo. [105]

In iij. Nocturno, Homilia. Grandis fiducia, de Communi. [117]

In Laud. fit Commem. Octavæ S. Joannis. 509. Vesp. a Capit. de sequ.

DIE XXVI. JUNII.

SS. Joannis et Pauli  
Martyrum. Duplex.

Omnia de Comm. plurim. Martyrum [49] præter seq.

Quando primæ Vesperæ dicendæ sunt integræ, Añæ de Laudibus. 515. Psalmi ut in j. Vesperis de Communi Apostolor. [2] Reliqua de Communi. [49]

℟. Lætâmini in Dño.

Ad Magnif. Añæ. Astiterunt justi ante Dóminum, et ab invicem non sunt separâti : cálicem Dómini bibérunt, et amici Dei appellâti sunt.

Oratio.

Quæsumus omnipotens Deus : ut nos geminâta lætitia hodiernæ festivitatis excípiat, quæ de beatórum Joannis et Pauli glorificatióne procedit : quos eadem fides

et pássio vere fecit esse germânos. Per Dóminum.

Deinde fit Commem. præced. Añæ. Hic vir despiciens mundum et terræna, triúmphans, divítias cælo cóndidit ore, manu. ℟. Justum dedúxit.

Postea Octavæ S. Joannis, Añæ. Puer. 510.

In I. Nocturno.

De Epístola beáti Pauli Apóstoli ad Românos.

Lectio j. Cap. viij. c



Ratres, Debitóres sumus non carni, ut secúndum carnem vivâmus. Si enim secúndum carnem vixeritis, moriémini : si autem spírítu facta carnis mortificaveritis, vivétis. Quicúmque enim spírítu Dei agúntur, ii sunt filii Dei. Non enim accepístis spírítum servitútis iterum in timóre, sed accepístis spírítum adoptiônis filiórum, in quo clamâmus : Abba (Pater). Ipse enim Spírítus testimoniúm reddit spírítui nostro, quod sumus filii Dei. Si autem filii, et herédes : herédes quidem Dei, coherédes autem Christi : si tamen compátimur, ut et conglorificémur. Existimo enim quod non sunt condignæ pas-

siones hujus témporis ad futúram glóriam, quæ revelâbitur in nobis. Nam exspectatio creatúræ, revelatiónem filiórum Dei expéctat.

℟. Isti sunt duo viri misericórdiæ, qui assistunt ante Dóminum, \* Dominatórem univérse terræ. ℟. Isti sunt duæ olivæ, et duo candelâbra lucéntia ante Dóminum. — Dominatórem.

Lectio ij.

Scimus autem quóniam diligentibus Deum ómnia cooperántur in bonum, iis, qui secúndum propósitum vocâti sunt sancti. Nam quos præscívit, et prædestinávit conformes fieri imâginis Filii sui, ut sit ipse primogénitus in multis frâtribus. Quos autem prædestinávit, hos et vocávit : et quos vocávit, hos et justificávit : quos autem justificávit, illos et glorificávit. Quid ergo dicemus ad hæc? Si Deus pro nobis, quis contra nos? Qui étiam próprio Filio suo non pepercit, sed pro nobis ómnibus trádidit illum : quómodo non étiam cum illo ómnia nobis donávit? Quis accusábit advérsus elé-

ctos Dei? Deus qui justificat, quis est qui condémet? Christus Jesus, qui mórtuus est, imo qui et resurréxit, qui est ad dexteram Dei, qui étiam interpéllat pro nobis.

℟. Vidi conjúctos viros habéntes spléndidas vestes, et Angelus Dómini locútus est ad me, dicens : \* Isti sunt viri sancti, facti amici Dei. ℟. Vidi Angelum Dei fortem, volántem per médium cælum, voce magna clamántem et dicéntem. — Isti.

Lectio iij.

Quis ergo nos separábit a caritate Christi? tribulatio, an angústia, an fames, an núditas, an periculum, an persecútió, an gládus? (sicut scriptum est : Quia propter te mortificámur tota die : æstimáti sumus sicut oves occisiónis.) Sed in his ómnibus superâmus propter eum, qui diléxit nos. Certus sum enim quia neque mors, neque vita, neque Angeli, neque Principâtes, neque Virtútes, neque instántia, neque futúra, neque fortitúdo, neque altitúdo, neque profúndum, neque creatúra ália póterit nos separâre a caritate

Dei, quæ est in Christo Jesu Dómino nostro.

**R.** Tradidérunt. [54]

In II. Nocturno.

**Lectio ib.**

**M**oannes et Paulus fratres Románi, cum facultátibus a Constantia Constantíni filia, cui pie fidelitérque servierant, sibi relíctis, Christi páuperes álerent; a Juliáno Apóstata in número familiárium suórum invitáti libere negavérunt, se apud eum esse velle, qui a Jesu Christo defecisset. Quibus ille ad deliberándum decem dies præfínit, ut nisi ad eam diem ei adhærere, et Jovi sacrificáre constitúerint, sibi moriéndum esse certo sciant.

**R.** Sancti tui Dómine mirábile consecúti sunt iter, serviétes præcéptis tuis, ut inveniréntur illæsi in aquis válidis : \* Terra apparuit árida : et in Mari rubro viasine impediménto. **V.** Quóniam percússit petram, et fluxérunt aquæ, et torréntes inundavérunt. — Terra apparuit.

**Lectio v.**

**I**lli intra id tempus réliqua sua bona distribuérunt paupéribus, quo

expeditiões ad Dóminum migráre possent, et plures juvarent, a quibus in ætérna tabernácula reciperéntur. Die décima Terentiánus prætóriæ cohórtis præféctus, ad eos missus, cum alláta Jovis effigie, ut eam veneraréntur, imperatóris mandátum eis expónit : ut nisi Jovi cultum adhibeant, moriántur. Qui ut erant orántes, responderunt, se pro Christi fide, quem Deum mente et ore venerabántur, non dubitánter mortem subitúros.

**R.** Vërbera carnificum non timuérunt sancti Dei, moriéntes pro Christi nómine : \* Ut heredes fierent in domo Dómini. **V.** Tradidérunt córpora sua propter Deum ad supplicia. — Ut.

**Lectio vi.**

**A**T Terentiánus véritus, ne si públice interficeréntur, pópulus commoverétur, domi ubi tunc erant, abscíssis eórum capítibus, sexto Kaléndas Júlii secréto eos sepeliéndos curávit : rumorémque sparsit, Joánnem et Paulum in exsiliu ejectionis esse. Verum eórum mors a spirítibus immúndis, qui multórum

córpóra vexábant, pervulgáta est : in quibus Terentiáni filius et ipse opprèssus a dæmone, ad sepúlcrum Mártýrum perductus, liberátus est. Quo miraculo et is in Christum crédidit, et ejus pater Terentiánus, a quo étiam horum beatórum Mártýrum vita scripta esse dicitur.

**R.** Tamquam aurum. [57]

In iij. Nocturno, Homilia.

De hoc ferménto. de eod.

Communi iij. loco. [68]

**R.** vijj. Hæc est vera fraternitas, quæ nunquam pótuit violári certámine : qui effúso ságuine secúti sunt Dóminum : \* Contemnentes aulam régiam, pervenérunt ad regna cœlestia. **V.** Ecce quam bonum et quam jucúndum habitáre fratres in unum. — Contemnentes. Glória Patri. Contemnentes.

AD LAUDES,

et per Horas, Añæ.

1. Paulus et Joánnes \* dixerunt Juliáno : Nos unum Deum cólimus, qui fecit cœlum et terram.

2. Paulus et Joánnes \* dixerunt Terentiáno : Si tuus dóminus est Juliánus, habéto pacem cum illo :

nobis álius non est, nisi Dóminus Jesus Christus.

3. Joánnes et Paulus \* agnoscéntes tyránnidem Juliáni, facultátes suas paupéribus erogáre cœperunt.

4. Sancti spirítus et animæ justórum hymnum dicite Deo, allelúia.

5. Joánnes et Paulus \* dixerunt ad Gallicánum : Fac votum Deo cœli, et eris victor mélius quam fuísti.

**Capitulum.** Sap. iij.

**I**ustórum animæ in manu Dei sunt, et non tanget illos tormentum mortis. Visi sunt oculis insipientium mori : illi autem sunt in pace.

**Hymnus.**

**R**EX glorióse Mártýrum, Coróna confiténtium, Qui respuétes térrea Perdúcis ad cœlestia.

Aurem benignam prótinus

Inténde nostris vóciibus : Trophæa sacra pángimus :

Ignósce quod deliquimus. Tu vincis inter Mártýres,

Parcísque Confessoribus : Tu vince nostra crimina, Largítor indulgéntiæ.



Deo Patri sit glória,  
Ejusque soli Filio,  
Cum Spiritu Paráclito,  
Nunc, et per omne sæcu-  
lum. Amen.

℣. Exsultábunt sancti in glória. ℞. Lætabúntur in cubilibus suis.

**Ad Bened. Añã.** Isti sunt sancti, qui pro Christi amore minas hóminum contempserunt : sancti Mártires in regno cœlorum exsultant cum Angelis : o quam pretiõsa est mors sanctórum, qui assidue assistunt ante Dóminum : et ab ínvicem non sunt separáti.

**Oratio.**

**Q**uæsumus omnipotens Deus : ut nos geminata lætítia hodiernæ festivitátis excípiat, quæ de beatórum Joánnis et Pauli glorificatiõne procedit : quos eadem fides et passio vere fecit esse germanos. Per Dóminum.

**Deinde fit Commem. de Octava S. Joannis. 509.**

**AD TERTIAM.**

**Capit. ut ad Laudes. 515.**  
℞. br. Lætámíni in Dómino, \* Et exsultáte justí. Lætámíni. ℣. Et gloriámíni omnes recti corde. Et exsultáte. Glória Patri. Lætámíni.

℣. Exsultent justí in conspéctu Dei. ℞. Et delecténtur in lætítia.

**AD SEXTAM.**

**Capitulum. Sap. x. c**  
**R**eddídit Deus mercédem labórum sanctórum suórum, et dedúxit illos in via mirábili : et fuit illis in velaménto diéi, et in luce stellárum nocte.

℞. br. Exsultent justí, \* In conspéctu Dei. Exsultent. ℣. Et delecténtur in lætítia. In conspéctu. Glória Patri. Exsultent.

℣. Justí autem in perpétuum vivent. ℞. Et apud Dóminum est merces eórum.

**AD NONAM.**

**Capitulum. Sap. iij. b**  
**F**ulgébunt justí, et tamquam scintillæ in arundínéto discúrrunt. Judicábunt natiónes, et dominabúntur pópulis : et regnábit Dóminus illórum in perpétuum.

℞. br. Justí autem, \* In perpétuum vivent. Justí. ℣. Et apud Dóminum est merces eórum. In perpétuum. Glória Patri. Justí autem.

℣. Exsultábunt sancti in glória. ℞. Lætabúntur in cubilibus suis.

**IN II. VESPERIS.**

**Añæ ut ad Laudes. 515.**  
**Psalmi de Domin. 141. et loco ult. Ps. Crédidi. 146.**  
**Capitulum et Hymnus de Communi. [64]**

℣. Exsultábunt sancti.

**Ad Magnificat, Añã.** Isti sunt duæ olivæ, et duo candelábra lucéntia ante Dóminum, habent potestátem cláudere cœlum núbibus, et aperíre portas ejus : quia linguæ eórum claves cœli factæ sunt.

**Deinde fit Commem. de Octava S. Joannis. 510.**

**DIE XXVII. JUNII.**

**Quarta die infra Octavam Nativitatis S. Joannis.**


**In j. Nocturno, Lectiones de Scriptura occurrente.**

**In II. Nocturno.**

Sermo sancti Basilii Magni.

**Homil. ij. in Psalm. xxviiij.**

**Lectio íb.**

 **O**X Dómini super aquas. Qualis vox, super quas aquas? Velut prophetiam accipiámus quod dictum est. Memíneris Joánnis, qui interrogátus a Judæis, Tu quis es? quod respónsum dábitus iis, qui miserunt nos? respóndit : Ego vox cla-

mántis in desérto. Igitur vox Dómini est Joánnes, Angelusa Deomissusante faciém Dómini, ut paráret Dómino plebem perfectam. Hæc igitur vox super aquas, erat super Jordánem, in quo baptizábat prædicans pœnitentiæ baptismum. Et non solum in Jordáne, sed étiam in Ænon prope Salim, quia aquæ multæ erant illic.

℞. Descéndit Angelus Dómini ad Zachariám, dicens : Accipe púerum in senectúte tua : \* Et habébit nomen Joánnes Baptísta. ℣. Iste puer magnus coram Dómino : nam et manus ejus cum ipso est. — Et

**Lectio v.**

**I**gitur vox Dómini super aquas, Joánnes est super baptismum. Illic et Deus majestátis intónuit. Venit enim vox de cœlo, dicens : Hic est Fílius meus diléctus, in quo mihi complácuí. Tunc étiam Dóminus super aquas multas dignátus est descéndere in baptisma Joánnis, ut compléret omnem justítiam, quæ in lege est. Vox Dómini in virtúte. Aufert enim debilitátes pópuli per pœnitentiæ ba-

ptísum, per ipsum baptizans in aqua ad pœnitentiam. In virtute est vox, dicens: Pœnitentiam agite, appropinquavit enim regnum cœlorum: et, Facite fructus dignos pœnitentiæ.

**R.** Hic est præcursor dilectus, et lucerna lucens ante Dóminum: \* Ipse est enim Joannes, qui viam Dómino præparavit in eremo; sed et Agnum Dei demonstravit, et illuminavit mentes hóminum. **V.** Ipse præibit ante illum in spiritu et virtute Eliæ. — Ipse est.

**Lectio vj.**

**V**OX Dómini confringentis cedros. Potest dici, quod parans Dómino pópulum perfectum, elatas impietates, et contra cognitionem Dei exaltatas confringens, ac contemns, oblíqua faciebat recta. Qui enim omnem collem ac montem humiliat, hic erat qui confringebat cedros, et Dómino viam adæquabat, per hoc quod ad pœnitentiam inducebat altum, et elatum, et superbum cor. Unde ejus præparationem suscipiens Dóminus, suo adventu confrégit oppositas

potentias, cedros Líbani figurate dictas. Opórtet enim Dóminum regnare, donec ponat inimicos sub pedes suos, et cedros istas comminuat.

**R.** Innuébant. 505.

**In III. Nocturno.**

Lectio sancti Evangelii secundum Lucam.

**Lectio vij. Cap. j. f**

**E**Lisabeth implétum est tempus pariendi, et peperit filium. Et audierunt vicini, et cognati ejus quia magnificavit Dóminus misericórdiam suam cum illa, et congratulábantur ei. Et reliqua.

De Homilia sancti Ambrosii Episcopi.

**Lib. 2. in Luc. cap. j. in fine.**

**S**T Zacharias pater ejus implétus est Spiritu sancto, et prophetabat. Vide quam bonus Deus, et facilis indulgere peccatis. Non solum ablata restituit, sed etiam insperata concédit. Ille dudum mutus prophétat. Hæc enim grátia Dei máxima, quod eum, qui negáverat, confitétur. Nemo ergo diffidat, nemo veterum cónscius delictorum præmia divina despetet. Novit Dóminus mutare sententiam, si tu

nóveris emendare delictum.

**R.** Præcursor Dómini venit, de quo ipse testatur: \* Nullus major inter natos mulierum Joanne Baptista. **V.** Hic est enim Prophéta, et plus quam Prophéta, de quo Salvátor ait. — Nullus.

**Lectio viij.**

**E**T tu puer, Prophéta Altissimi vocaberis. Pulchre, cum de Dómino prophetaret, ad Prophétam sua verba convertit, ut hoc quoque beneficium esse Dómini designaret: ne cum publice enumeraret sua, quasi ingrátus tacuisse videretur quæ agnoscébat in filio. Sed fortásse áliqui quasi irrationabilem mentis excèssum putent, quod octo dièrum allóquitur infántem. Verum, si teneámus, intelligémus profecto quod pótuit vocem patris natus audire, qui Mariæ salutationem ántequam nasceretur audivit.

**R.** Gábriel Angelus apparuit Zachariæ, dicens: Nascetur tibi filius, nomen ejus Joannes vocabitur: \* Et multi in nativitate ejus gaudébunt. **V.** Erit enim magnus coram Dó-

mino, vinum et síceram non bibet. — Et multi. Glória Patri. Et multi.

**Lectio ix.**

**S**Ciēbat profecto alias esse aures Prophétæ, quæ Spiritu Dei, non corpore ætate reserantur. Habebat intelligendi sensum, qui exsultandi habebat affectum. Simul illud advérte, quam paucis Elisabeth, quam multis Zachariás prophétet: et uterque sancto replétus Spiritu loquebatur: sed disciplina servatur, ut mulier discere magis quæ divina sunt, studeat, quam docere.

Te Deum, 18.

Vesperæ de sequenti.

DIE XXVIII. JUNII.

S. Leonis II.

Papæ et Confessoris.  
Semiduplex.

Si hoc Festum venerit in Dominica, Officium fit de Dominica cum Commem. S. Leonis in j. Vesp. et Laud. ac Lect. ix. historica (ex tribus una), et in Sabbato, in quo fit de Octava S. Joannis, legitur ix. Lectio de Homilia Vigilæ Apostolorum, cum Commem. ejusdem in Laudibus tantum.

Omnia de Comm. Conf. Pont. [70] præter seq.

**Oratio.**

**D**Eus, qui beátum Leónem Pontíficem sanctorum tuorum méritis coæquásti: concède propítius, ut qui commemoratiónis ejus festa percólimus, vitæ quoque imitémur exéempla. Per Dñum.

**Pro Commem. Octavæ S. Joannis, Aña. Puer. 510.**

**In j. Nocturno, Lectiones de Scriptura occurrente.**

**In II. Nocturno.**

**LECTIO II.**

**E**o secundus, Pón-tifex máximus, Sí-culus, humanis et divinis litteris græce et latine doctus, músicis étiam eruditus fuit: ipse enim sacros Hymnos et Psalmos in Ecclesia ad concéntum meliorem redúxit. Probávit acta sextæ synodi, quæ Constantinópoli celebráta est, præsi-déntibus legátis apostólicæ sedis, præsenté quoque Constantino imperátore, et duóbus Patriárchis, Constantino politáno et Antio-chéno, ac centum septua-gínta Episcopis: quam et in Latinum tránstulit.

**℞.** Inveni David servum meum, óleo sancto

meo unxi eum: \* Manus enim mea auxiliábitur ei. **℣.** Nihil proficiet inimicus in eo, et filius iniquitátis non nocébit ei. — Manus.

**LECTIO V.**

**I**n eo concílio Cyrus, Sérgius, et Pyrrhus condemnáti sunt, unam tantúmmodo voluntátem et operatiónem in Christo prædicántes. Hic fregit supérbiam Antístitum Ravenátum, qui Exarchórum freti poténtia, sedi apostólicæ non obtemperábant. Quamóblem decrevíit, ut eléctio cleri Ravenátis írrita esset, nisi Románi Pontíficis auctoritáte comprobarétur.

**℞.** Pósui adjutórium super poténtem, et exaltávi eléctum de plebe mea: \* Manus enim mea auxiliábitur ei. **℣.** Inveni David servum meum, óleo sancto meo unxi eum. — Manus.

**LECTIO VI.**

**V**ere pater páuperum fuit: non enim pecúnia solum, sed ópera, labóre, et consíliis egéntium viduárum, et pupillórum inópiam ac solitúdinem sublevábat. Qui dum síngulos non magis prædicatióne, quam vita ad pie sanctéque vivéndum ad-

hortarétur; mense sui pontificátus décimo, et diébus decem et septem obdormívit in Dómino: sepultusque est in basilica sancti Petri, quarto Kaléndas Júlii. Ordinatióne una mense Júnio creávit Presbyteros novem, Diáconos tres, Episcopos diversis in locis viginti tres.

**℞.** Iste est. [78]

**In iij. Nocturno, Homilia. Lécio sancti Evangélii de Comuni. [81]**

**Lectio ix. de Vigilia SS. Apost. Petri et Pauli. Lécio sancti Evangélii secundum Joánnem.**

**Lectio jr. Cap. xxj. c**

**I**n illo témpore: Dixit Jesus Simóni Petro: Simon Joánnis diligis me plus his? Et reliqua. Homília sancti Augustíni Episcopi. **Tract. cxxij. in Joann. in medio.**

**E**dditur negatióni trina trina confessio, ne minus amóri lingua sérviat, quam timóri: et plus vocis eliciússe videátur mors imminens, quam vita præsens. Sit amóris officium páscere Dóminicum gregem, si fuit timóris indicium negáre pastórem. Qui hoc ánimo pa-

scunt oves Christi, ut suas velint esse, non Christi: se convincúntur amáre, non Christum, vel gloriáridi, vel domináridi, vel acquiréridi cupiditáte; non obediéridi, et subveniéridi, et Deo placéridi caritáte. **Te Deum. 18.**

**In Laud. fit Commem. de Octava S. Joannis, Aña. Apértum est os Zachariæ, et prophetávit, dicens: Benedictus Deus Israel.**

**℣.** Iste puer magnus coram Dómino. **℞.** Nam et manus ejus cum ipso est.

**Oratio.**

**D**Eus, qui præsentem nobis in beáti Joánnis nativitate fecisti: da pópulis tuis spirituálium grátiam gaudiórum; et ómnium fidélium mentes dirige in viam salutis æternæ. Per Dóminum.

**Deinde Vigiliæ, Aña et ℣. de Feria occurrente, ut in Psalterio.**

**Oratio.**

**P**ræsta quæsumus ómnipotens Deus: ut nullis nos permittas perturbatióibus concuti, quos in apostólicæ confessiós petra solidásti. Per Dóminum.

**Vesperæ de sequenti.**